



PM-Poland

प्रधानमंत्री नरेन्द्र मोदी होरें पोलैंड दी अपनी ऐतिहासक यात्रा दा समापन वारसॉ च अपने पोलैंड दे हमरूतबा डॉनल्ड टस्क ते राष्ट्रपति आंद्रेज सेबेस्टियन डूडा हुंदे नै बैठक मगरा कीता। श्री मोदी होरें पोलैंड दी अपनी यात्रा गी खास दस्सेआ ते मध्य यूरोपीय राष्ट्र गी भारत दा भरोसेमंद दोस्त दस्सेआ। सोशल मीडिया पोस्ट च प्रधानमंत्री मोदी होरें आखेआ जे इस यात्रा नै इक भरोसेमंद मित्र दे कन्नै आपसी सैहयोग गी डूहंगा करने दा मौका दित्ता ऐ। उनें आखेआ जे साढी दोस्ती जकीनी तौरा पर इक बेहतर दुनिया दे निर्माण च योगदान देई सकदी ऐ। श्री मोदी होरें पोलैंड दे लोकें ते सरकार गी, उंदी गर्मजोशी लेई धन्नबाद बी दित्ता। प्रधानमंत्री होर अज्ज अपने दौरे दे दुए पडाह किएव लेई रवाना होई गे न। मोदी होर यूक्रेन दे राष्ट्रपति जलेंसकी हुदे साददे पर उत्थें जा'रदे न।



CEC-JK Elections

मुख्य चुनां आयुक्त राजीव कुमार होरें दावा कीता ऐ जे किश ताकतां जम्मू कश्मीर च विधानसभा चुनाएं च खलल पाने दी कोशश करा'रदियां न, पर चुनां आयोग आजाद ते निरपक्ख चुनां करोआने लेई पूरी चज़ाली तैआर ऐ। कुमार होरें आखेआ जे मतदान इनें भेड़े तत्वे ते ताकते दा जवाब ऐ। उनें आखेआ जे आयोग जम्मू कश्मीर ते हरियाणा च आजाद ते निरपक्ख चुनां करोआने लेई तैआर ऐ। उनें आखेआ जे दुनिया जम्मू कश्मीर च होने आले चुनाएं गी दिक्खा'रदी ऐ। उनें आखेआ जे किश गीडे तत्व ते भैडी मंशां रखने आलिए ताकतां हैन जेहड़ियां एहदे च बिघ्न पाना चांहदियां न पर चुनां आयोग उंदे कन्नै निबड़ने लेई तैआर ऐ। उनें आखेआ जे लोकसभा चुनाएं दरान जम्मू कश्मीर च खासा उत्साह दिक्खेआ गेआ ते खरी मती गिनतरी च लोकें वोट पाने दे अपने अधिकार दा इस्तेमाल कीता। जम्मू कश्मीर च 90 विधानसभा हल्के लेई त्रै गेड़ें च चुनां होने न। पैहले गेड़ तैहत चुनां 18 सितम्बर गी, दुए गेड़ दे चुनां 25 सितम्बर गी ते त्रिए गेड़ दे चुनां पैहली अक्तूबर गी होंगन।



JK-Voters

जम्मू कश्मीर च असेंबली चुनाएं दे पैहले गेड़ दरान 23 लक्ख 27 जहार कोला मते मतदाता अपने वोट पाने दे अधिकार दी बरतून करगन, एहदे च 5 लक्ख 66 जहार नोजवान मतदाता बी शामिल न। 7एं जिलें च फ़ैले दे 24 असेंबली हल्के च 18 सितम्बर गी वोट पाए जाने न। इनें मतदाताएं च 11 लक्ख 76 जहार 441 मर्द, 11 लक्ख 51 जहार 42 महिला ते 60 थर्ड जंडर मतदाता शामिल न। 5 लक्ख 66 जहार नोजवान मतदाता 18 कोला लेइयै 29 ब'रें दी

<><><><><><>

National Space Day

मुख्य भरै च अज्ज पैहला राष्ट्री अंतरिक्ष दिवस मनाया जा'रदा ऐ। राष्ट्रपति द्रौपदी मुर्मू होर नमीं दिल्ली च स्थित भारत मंडपम च मुख्य समारोह दा उद्घाटन कीता। इस मौके उपपर बोलदे होई उनें आखेआ जे इसरो नै देसै दे समाजिक ते आर्थिक विकास च अनमुल्ला योगदान दित्ता ऐ। उनें आखेआ इसरो दी यात्रा शुरू थमां गै शानदार रेई ऐ। राष्ट्रीय अंतरिक्ष दिवस दा इस ब'रे दा विशे-सार ऐ "चन्द्रमा दा स्पर्श करदे होई जीवन दे प्रति साजग होना-भारत दी अंतरिक्ष गाथा"। एह विशे-सार समाज ते टैक्नालोजी पर अंतरिक्ष दी खोज दे गैहरे असर पर लोह पांदा ऐ। अज्जै दे इस ध्याडे पर राष्ट्रपति होर रोबोटिकस चैलेंज ते भारती अंतरिक्ष हैकथॉन दे जेतुएंगी सम्मानत कीता।

<><><><><><>

India-Test Cricket

क्रिकेट च कल भारत दे इंग्लैंड दौरे दे कार्यक्रम दी घोषणा कीती गई। रोहित शर्मा हुंदी अगुवाई च भारतीय पुरुष क्रिकेट टीम अगले ब'रे जून च इंग्लैंड खलाफ 5 मैचें दी टैस्ट श्रृंखला खेडडोग। एह मैच लीडस बर्मिंगटन लंदन ते मैनचेस्टर च खेडडे जांगन। तोआई भारतीय महिला क्रिकेट टीम दे कार्यक्रम दी बी घोषणा करी दित्ती ऐ। हरमनप्रीत कौर दी अगुवाई च भारतीय टीम अगले ब'रे जून ते जुलाई च इंग्लैंड च 5 टी-20 ते त्रै इक दिवसीय मैच खेडडोग।

<><><><><><>

Lausanne Diamond League

नीरज चोपड़ा स्विट्जरलैंड च लुसाने डायमंड लीग प्रतियोगिता च मर्दे दे नेजा सुट्टने दे मकाबले च दूई थाहरे पर रेह न। नीरज होरें अपने सीजन दा सब्बने शा श्रेष्ठ 89.49 मीटर तगर नेजा सुट्टेआ।

<><><><><><>